

## **OBRAZAC ZA INDEKSACIJU SUDSKIH ODLUKA**

<b>NAZIV SUDA</b>	<b>Apelacioni sud Brčko distrikta BiH</b>
<b>BROJ PREDMETA</b>	<b>96 o P 125164 22 Gž</b>
<b>SENTENCA</b> <b>-Sentencu je potrebno izraditi za odluke u kojima je zauzet pravni stav o nekom pravnom pitanju-</b>	Kada je u pitanju primjena pravnog pravila iz odredbe članka 948. OGZ-a, zakonski termin „gruba (velika) neblagodarnost“ je u biti neodređen pojam, odnosno pravni standard, a ocjenu da li se postupak primatelja dara prema davatelju dara može kvalificirati kao gruba neblagodarnost vrši sud uzimajući u obzir sve okolnosti konkretnog slučaja. U tom smislu, u cilju sudske terminološke određenja ovog pravnog standarda, gruba neblagodarnost (nezahvalnost) podrazumijeva povredu tijela, časti slobode i imovine darodavatelja koja predstavlja kazneno djelo ili, prema stajalištu domaće sudske prakse i sudske prakse zemalja u okruženju (koje još uvijek primjenjuju ovo pravno pravilo iz OGZ-a), drugo ponašanje koje ne mora sadržavati obilježja kaznenog djela, ali je neophodno da bude takve prirode da se po općeprihvaćenim standardima sredine u kojoj darodavatelj i daroprimatelj žive, smatraju nemoralnim postupcima, odnosno takvim postupcima koji ugrožavaju tjelesni ili psihički integritet darodavatelja ili druge bliske osobe.  Gruba (velika) neblagodarnosti (nezahvalnost) određuje se prema „aršinima i shvatanjima društvene sredine davatelja i primatelja dara“. U tom smislu, uobičajeno se cijene sljedeće okolnosti: vladanje primatelja poklona i njegov utjecaj na kasnije odnose sa darodavateljem; ranije ponašanje oba ugovaratelja i njihovo uobičajeno ophodenje; da li se radi o izoliranom (ekscesnom) slučaju ili se pak radi o kontinuiranom poremećaju u njihovim odnosima; da li je darodavatelj svojim aktivnostima (is)provocirao primatelja dara; da li je darodavatelj star ili bolestan te da li se, po prirodi stvari, očekuje da u budućem periodu davatelju poklona treba pojačana pažnja i briga; da li se davatelj i primatelj poklona, pored ugovornog odnosa, nalaze u nekom drugom posebnom, zakonom reguliranom odnosu (bračni partneri, roditelji i djeca, braća i sestre itd.) obzirom da su njihovi

Napomena: uz popunjeno obrazac, molimo Vas da CSD-u dostavite izabranu sudsку odluku u elektronskom (Word) formatu, te vezane odluke (prethodne odluke i odluku Ustavnog suda BiH), ukoliko iste posjedujete.

	međusobni odnosi, u tom slučaju, ne samo regulirani pravnim (ugovornim) regulama, nego su također obuhvaćeni i moralnim i običajnim vrednotama, zbog čega se opoziv darovnog ugovora, u takvim slučajevima, u pravilu mnogo lakše ostvaruje nego što je to situacija sa ugovornim stranama darovnog ugovora koji se ne nalaze u takvim (posebnim) međusobnim odnosima.
<b>PRAVNA OBLAST</b>	Građansko pravo
<b>PRAVNI INSTITUTI</b>	<p>Sentenca: Opoziv ugovora o poklonu zbog neblagodarnosti</p> <p>Ostalo: Ništavost ugovora o poklonu</p>
<b>PRIMIJENJENI PROPIS</b> - naziv propisa, broj člana i broj(evi) službenog glasila u kojem je objavljen propis i njegove izmjene i dopune -	<p>Sentenaca: Paragraf 948. Općeg austrijskog građanskog zakonika</p> <p>Ostalo: Članak 51. stavak (2) i 104. stavak (1) Zakona o obligacionim odnosima („Službeni list SFRJ“, broj 29/78, 39/85, 45/89 i 57/89)</p>
<b>PRETHODNE ODLUKE</b> - broj(evi) predmeta i naziv suda koji je donio odluku -	Presuda Osnovnog suda Brčko distrikta BiH, broj 96 o P 125164 19 P od 18.2.2022. godine
<b>ODLUKA O MERITUMU USTAVNOG SUDA BiH</b> - ukoliko je odluka bila predmet apelacije -	

Napomena: uz popunjeno obrazac, molimo Vas da CSD-u dostavite izabranu sudsку odluku u elektronskom (Word) formatu, te vezane odluke (prethodne odluke i odluku Ustavnog suda BiH), ukoliko iste posjedujete.